



স্মারক নং- এসইডিপি/এইচএসপি/ মাঠ পর্যায়ে যোগাযোগ/০৪/২০১৯/৮৮১০(১০)/৫১৭ তারিখ: ২৪/০৩/২০২১ খ্রি.

বিষয়: সমন্বিত উপবৃত্তি কর্মসূচির আওতাভুক্ত শিক্ষাপ্রতিষ্ঠানসমূহে ২০২১ সালে ভর্তিকৃত ৬ষ্ঠ শ্রেণি এবং ২০২০-২১ শিক্ষাবর্ষে ১১শ শ্রেণিতে ভর্তিকৃত উপবৃত্তিযোগ্য শিক্ষার্থী নির্বাচন পদ্ধতি, নির্বাচিত শিক্ষার্থীদের তথ্য HSP MIS এ এন্ট্রি এবং প্রেরণ সংক্রান্ত।

উপর্যুক্ত বিষয়ের পরিপ্রেক্ষিতে জানানো যাচ্ছে যে, বর্তমান সরকার দেশের সাধারণ স্কুল, কলেজ এবং মাদ্রাসায় ৬ষ্ঠ থেকে ১২শ শ্রেণি পর্যন্ত শিক্ষার্থীদের উপবৃত্তি, টিউশন ফি এবং অন্যান্য সুবিধাদি প্রদানের লক্ষ্যে সকল উপবৃত্তি প্রকল্পসমূহকে একত্রিত করে “সমন্বিত উপবৃত্তি কর্মসূচি (Harmonized Stipend Program-HSP)” নামে “সেকেন্ডারি এডুকেশন ডেভেলপমেন্ট প্রোগ্রাম (SEDP)” এর একটি স্কিম হিসাবে শিক্ষা মন্ত্রণালয়ের মাধ্যমিক ও উচ্চ শিক্ষা বিভাগের অধীন প্রধানমন্ত্রীর শিক্ষা সহায়তা ট্রাস্টের আওতায় বাস্তবায়ন করছে।

২। সমন্বিত উপবৃত্তি কর্মসূচির আওতাধীন এলাকা:

দেশের সকল ভৌগোলিক এলাকার (মেট্রোপলিটন ও জেলা সদরের পৌর এলাকাসহ) মাধ্যমিক ও উচ্চ মাধ্যমিক শিক্ষা বোর্ড এবং বাংলাদেশ মাদ্রাসা শিক্ষা বোর্ডের পাঠদানে অনুমতি/স্বীকৃতিপ্রাপ্ত মাধ্যমিক ও উচ্চ মাধ্যমিক পর্যায়ের সকল স্কুল-কলেজ এবং মাদ্রাসা এই কর্মসূচির আওতাভুক্ত হবে। উল্লেখ্য বাংলাদেশ কারিগরি শিক্ষা বোর্ডের আওতাধীন শিক্ষা প্রতিষ্ঠান বা কোর্সে অধ্যয়নরত শিক্ষার্থীদের তথ্য এন্ট্রি করা যাবে না।

৩। উপকারভোগী শিক্ষার্থী নির্বাচন প্রক্রিয়া:

সমন্বিত উপবৃত্তি কর্মসূচির শিক্ষার্থী নির্বাচন প্রক্রিয়াটি মূলতঃ দারিদ্র্য ও প্রক্সি মিস টেস্টিং যৌথ পদ্ধতির মাধ্যমে প্রাতিষ্ঠানিক পর্যায়ে তথ্যাদি যাচাই বাছাই এবং একটি বিশেষায়িত Software এর মাধ্যমে শিক্ষার্থী নির্বাচন করা হয়। এই প্রক্রিয়ায় বাংলাদেশ পরিসংখ্যান ব্যুরোর ২০১৬ সালে Household Income Expenditure Survey 2016 (HIES) এ ব্যবহৃত প্রশ্নমালার উপর ভিত্তি করে নির্দেশকগুলো তৈরি করা হয়েছে।

শুধুমাত্র ৬ষ্ঠ এবং ১১শ শ্রেণির শিক্ষার্থীরা এ কর্মসূচির আওতায় উপবৃত্তি প্রাপ্তির আবেদন করতে পারবে। তবে ৯ম শ্রেণির শিক্ষার্থীরা যারা উপবৃত্তি কর্মসূচি বহির্ভূত শিক্ষাপ্রতিষ্ঠান থেকে জেএসসি / জেডিসি পাস করে নতুন ভর্তি হয়েছে তারাও উপবৃত্তির জন্য আবেদন করতে পারবে। তবে নিজ শিক্ষা প্রতিষ্ঠানের কোন শিক্ষার্থী ৯ম শ্রেণিতে আবেদন করতে পারবেনা। অন্যান্য শ্রেণির উপবৃত্তি সুবিধাভোগী শিক্ষার্থীরা স্বয়ংক্রিয়ভাবে এই কর্মসূচির অন্তর্ভুক্ত হবে। ৬ষ্ঠ ও ৯ম শ্রেণির নির্বাচিত শিক্ষার্থীরা বিরতিহীনভাবে শর্তসাপেক্ষে এসএসসি পরীক্ষা পর্যন্ত ও ১১শ শ্রেণির নির্বাচিত শিক্ষার্থীরা বিরতিহীনভাবে শর্তসাপেক্ষে ১২শ শ্রেণি পর্যন্ত উপবৃত্তি পাবে।

শিক্ষা মন্ত্রণালয় কর্তৃক অনুমোদিত অপারেশন ম্যানুয়াল অনুসরণের মাধ্যমে সারাদেশে ৬ষ্ঠ, ৯ম ও ১১শ শ্রেণির আবেদনকৃত শিক্ষার্থীদের মধ্য থেকে উপকারভোগী শিক্ষার্থী নির্বাচন করা হবে।

উপকারভোগী শিক্ষার্থী নির্বাচনে নিম্নে বর্ণিত পদ্ধতি অনুসরণ করা হবে-

- শিক্ষাপ্রতিষ্ঠান প্রধান উপবৃত্তির জন্য আবেদন করতে ইচ্ছুক সকল শিক্ষার্থীকে অনলাইন/অফলাইনে আবেদন ফরম সরবরাহ করে সঠিক তথ্যসহ ফরমটি যথাযথভাবে পূরণ করার জন্য বুঝিয়ে বলবেন। কোন শিক্ষার্থীকে আবেদন করতে উৎসাহিত বা নিরুৎসাহিত করা যাবে না। আবেদনকারীরা শ্রেণিশিক্ষকের সরাসরি তত্ত্বাবধানে থেকে আবেদনপত্রের সকল তথ্য প্রদান করবে।
- অসম্পূর্ণ ও সঠিক নয় এমন তথ্যাদির আবেদনপত্র সরাসরি বাতিল বলে গণ্য হবে। আবেদনপত্রের তথ্যের জন্য প্রতিষ্ঠান প্রধান ও শ্রেণি শিক্ষক দায়ী থাকবেন।
- দারিদ্র্য নিরূপণের জন্য বাংলাদেশ পরিসংখ্যান ব্যুরোর Household Income Expenditure Survey 2016 (HIES-২০১৬) এ ব্যবহৃত প্রশ্নমালার উপর ভিত্তি করে একটি আবেদনপত্রে (সংলগ্নী-১) আবেদন করতে হবে।
- শিক্ষার্থীর আবেদন পত্রের প্রশ্নাবলীর উপর প্রশ্নের গুরুত্ব অনুযায়ী মোট নম্বরের Weightge প্রদানের মাধ্যমে শিক্ষার্থী নির্বাচন প্রক্রিয়া সম্পন্ন করা হবে।
- প্রাতিষ্ঠানিক ও উপজেলা/মেট্রোপলিটন এলাকার উপদেষ্টা কমিটি শিক্ষার্থীর আবেদনের তথ্যাদির সত্যতা যাচাই বাছাই করার জন্য দায়ী থাকবে।
- আবেদনপত্রসমূহের তথ্যাদি যাচাই বাছাই শেষে প্রতিষ্ঠান পর্যায়ে HSP MIS এ সকল ডাটা এন্ট্রি করতে হবে।
- ডাটা এন্ট্রির পর প্রতিষ্ঠান থেকেই সকল তথ্যাদি অনলাইনে উপজেলা/থানা মাধ্যমিক শিক্ষা অফিসার বরাবর প্রেরণ করতে হবে।
- উপজেলা/থানা মাধ্যমিক শিক্ষা অফিসার সকল আবেদনপত্র উপজেলা/মেট্রোপলিটন এলাকার উপদেষ্টা কমিটির বিবেচনার জন্য পেশ করবেন এবং এডভাইজারি কমিটির অনুমোদন নিয়ে উপবৃত্তির জন্য নির্বাচিত শিক্ষার্থীর তথ্য উপজেলা/থানা হতে অনলাইনে

১

HSP/PMEAT এমআইএস সেল এ প্রেরণ করবেন এবং একইসাথে উপবৃত্তিপ্ৰাপ্ত শিক্ষার্থীর তথ্য সংরক্ষণের জন্য উপজেলা/থানা হতে ব্যানবেইজ এবং মাধ্যমিক ও উচ্চশিক্ষা অধিদপ্তর/মাদ্রাসা শিক্ষা অধিদপ্তরের ইএমআইএস সেলে প্রেরণ করা হবে।

- সারাদেশের উপবৃত্তি উপকারভোগী শিক্ষার্থী কেন্দ্রীয়ভাবে প্রধান মন্ত্রীর শিক্ষা সহায়তা ট্রাস্ট অফিসের EMIS Cell-এর প্রযুক্তিগত সহায়তায় HSP (Harmonized Stipend Program) Unit কর্তৃক নির্বাচিত হবে।
- উপকারভোগী শিক্ষার্থী নির্বাচন লৈজিক ভিত্তিতে নয় বরং দারিদ্রের ভিত্তিতে নির্বাচিত হবে। ফলে এই প্রক্রিয়ায় নির্বাচিত ছাত্র-ছাত্রীর সংখ্যা কম বেশি হতে পারে।
- শারীরিক প্রতিবন্ধী, তৃতীয় লিঙ্গ, প্রাক্তন ছিটমহলের বাসিন্দা এবং মুক্তিযোদ্ধার নাতি/নাতনী যথাযথ যাচাই বাছাইয়ের পর সরাসরি এই কর্মসূচিতে অন্তর্ভুক্ত হবে।
- SPFMSP প্রকল্পের প্রযুক্তিগত সহায়তার মাধ্যমে অর্থ মন্ত্রণালয়ের নির্দেশনা অনুসারে সরকার কর্তৃক নির্ধারিত G2P পদ্ধতিতে সরাসরি শিক্ষার্থী/অভিভাবকের অনলাইন ব্যাংক/মোবাইল ব্যাংক হিসাবে উপবৃত্তি প্রদান করা হবে।

৫। আবেদনকারীর আইডি নম্বর (Identification Number)

আবেদনপত্রের তথ্যাদি সংশ্লিষ্ট সফটওয়্যারে এন্ট্রি সম্পন্ন হওয়ার সাথে সাথেই প্রত্যেক আবেদনকারীর জন্ম নিবন্ধন নম্বর Applicant ID হিসাবে ব্যবহৃত হবে। আবেদনকারীর নাম ঠিকানা সম্বলিত এই পরিচিতি নম্বরের একটি প্রিন্ট কপি প্রতি আবেদনকারীকে সরবরাহ করতে হবে এবং আবেদনকারী তা যথাযথভাবে সংরক্ষণ করবে। এই প্রিন্টকপিই আবেদনের প্রাপ্তিস্বীকার পত্র হিসাবে গণ্য হবে এবং ভবিষ্যতে যেকোনো প্রয়োজনে আবেদনকারীকে তা উপস্থাপন করতে হবে।

৬। উপবৃত্তি প্রাপ্ত শিক্ষার্থীদের শিক্ষা প্রতিষ্ঠান পরিবর্তন প্রক্রিয়া:

উপবৃত্তি প্রাপ্ত কোন শিক্ষার্থী যদি কর্মসূচি ভুক্ত অন্য কোন শিক্ষা প্রতিষ্ঠানে বদলি পূর্বক ভর্তি হয় সেক্ষেত্রে HSP MIS ব্যবহার করে পূর্ববর্তী প্রতিষ্ঠান থেকে নতুন ভর্তিকৃত প্রতিষ্ঠানে স্থানান্তর করা যাবে। সেক্ষেত্রে নতুন করে উপবৃত্তির জন্য আবেদন করার প্রয়োজন নেই। নিম্ন মাধ্যমিক শিক্ষা প্রতিষ্ঠান থেকে উপবৃত্তি প্রাপ্ত কোন শিক্ষার্থী উত্তীর্ণ হয়ে মাধ্যমিক পর্যায়ের অন্য কোন শিক্ষা প্রতিষ্ঠানে (উপবৃত্তির আওতাভুক্ত) ৯ম শ্রেণিতে ভর্তি হলে HSP MIS ব্যবহার করে পূর্ববর্তী প্রতিষ্ঠান থেকে নতুন ভর্তিকৃত প্রতিষ্ঠানে স্থানান্তর করতে হবে। উপকারভোগী শিক্ষার্থী শুধু শিক্ষাবর্ষের ১ম সেমিস্টারে প্রতিষ্ঠান বদল করতে পারবে।

৭। প্রাতিষ্ঠানিক পর্যায়ের আবেদনপত্র যাচাই-বাছাই কমিটি:

এই কমিটি প্রাতিষ্ঠানিক পর্যায়ের শিক্ষার্থীদের কাছ থেকে প্রাপ্ত আবেদনপত্রের তথ্যাদি যাচাই- বাছাই করবে। কমিটির সদস্যগণ প্রয়োজনে শিক্ষার্থীর বাড়ি পরিদর্শন করে আবেদনপত্রে প্রদত্ত তথ্যাদির সত্যতা যাচাই বাছাই করবে। আবেদনপত্রের সত্যতা যাচাই বাছাই শেষে 'আবেদনপত্রের সকল তথ্যাদি সঠিক আছে' মর্মে একটি প্রত্যয়নপত্রসহ প্রতিষ্ঠান প্রধান উপজেলা/থানা মাধ্যমিক শিক্ষা অফিসার বরাবর সকল আবেদনপত্র প্রেরণ করবে। তবে প্রতিষ্ঠান পর্যায়ের কমিটিতে উপকারভোগী নির্বাচনে কোনো অসত্য তথ্য প্রদান বা অনিয়ম করা হলে তা শাস্তিযোগ্য হিসাবে বিবেচিত হবে।

৮.১। শিক্ষা প্রতিষ্ঠান পর্যায়ের আবেদনপত্র যাচাই-বাছাই কমিটি;

ক্র. নং	কর্মকর্তা / শিক্ষক / জন-প্রতিনিধি	কমিটিতে পদবি
০১	শিক্ষা প্রতিষ্ঠান প্রধান	সভাপতি
০২	ইউনিয়ন পরিষদ/পৌর সভার সংশ্লিষ্ট ওয়ার্ড কমিশনার/কাউন্সিলর	সদস্য
০৩	সংশ্লিষ্ট শ্রেণির শ্রেণি-শিক্ষক	সদস্য-সচিব

৮.২। শিক্ষা প্রতিষ্ঠান পর্যায়ের আবেদনপত্র যাচাই-বাছাই কমিটি (ঢাকা, চট্টগ্রাম, রাজশাহী ও খুলনা মেট্রো এলাকার জন্য);

ক্র. নং	কর্মকর্তা / শিক্ষক / জন-প্রতিনিধি	কমিটিতে পদবি
০১	শিক্ষা প্রতিষ্ঠান প্রধান	সভাপতি
০২	সংশ্লিষ্ট প্রতিষ্ঠানের ম্যানেজিং কমিটির ১জন সদস্য (প্রতিষ্ঠান প্রধান কর্তৃক মনোনীত) (সরকারি শিক্ষা প্রতিষ্ঠানের ক্ষেত্রে প্রতিষ্ঠান প্রধান কর্তৃক মনোনীত একজন শিক্ষক সদস্য হিসাবে কাজ করবেন।)	সদস্য
০৩	সংশ্লিষ্ট শ্রেণির শ্রেণি-শিক্ষক	সদস্য-সচিব

৮.৩। উপজেলা/মেট্রোপলিটন এলাকার উপদেষ্টা কমিটি;

এই কমিটি প্রাতিষ্ঠানিক পর্যায় থেকে প্রাপ্ত আবেদনপত্রসমূহের তথ্যাদির সঠিকতা প্রয়োজনে পুনরায় যাচাই বাছাই করতে পারবে। এমনকি প্রতিষ্ঠান পর্যায় থেকে প্রেরিত আবেদনপত্রের সঠিকতা নিয়ে কোনো আপত্তি অথবা বাতিল আবেদনপত্রের উপর আপত্তির শুনানি গ্রহণ করতে পারবে। প্রয়োজনে শিক্ষার্থীর অভিভাবকের বাড়ি পরিদর্শনপূর্বক পুনর্বিবেচনা করে সিদ্ধান্ত দিতে পারবে। প্রতিষ্ঠান পর্যায়ের কমিটিতে উপকারভোগী নির্বাচনে কোন অসত্য তথ্য প্রদান বা অনিয়ম করা হলে তা শাস্তিযোগ্য হিসাবে বিবেচিত হবে। কমিটির সিদ্ধান্তের পর সভার কার্যবিবরণীসহ উপজেলা/মেট্রোপলিটন এলাকা হতে সরাসরি প্রধানমন্ত্রীর শিক্ষা সহায়তা ট্রাস্টের এমআইএস সেল এ প্রেরণ করা হবে; একইসাথে উপবৃত্তিপ্ৰাপ্ত শিক্ষার্থীর তথ্য সংরক্ষণের জন্য উপজেলা/মেট্রোপলিটন এলাকা হতে ব্যানবেইজ এবং মাধ্যমিক ও উচ্চশিক্ষা অধিদপ্তর/মাদ্রাসা শিক্ষা অধিদপ্তরের ইএমআইএস সেলে প্রেরণ করা হবে। এই কমিটি প্রয়োজনে যেকোনো সংখ্যক সভায় মিলিত হতে পারবে। উপদেষ্টা কমিটির যাচাই-বাছাই ও অনুমোদনের পর উপজেলা/থানা মাধ্যমিক শিক্ষা অফিসার প্রতিষ্ঠান-ওয়ারী যোগ্য-অযোগ্য আবেদনকারীর তালিকাসহ কার্যবিবরণী প্রস্তুত করবেন এবং কমিটির সকল সদস্যকে কার্যবিবরণী অনুলিপি প্রদান করবেন। উপজেলা/থানা

মাধ্যমিক শিক্ষা কর্মকর্তা কার্যবিবরণী স্ব-স্ব দপ্তরে সংরক্ষণ করবেন এবং যোগ্য শিক্ষার্থীর তালিকা অনলাইনে প্রধানমন্ত্রীর শিক্ষা সহায়তা ট্রাস্ট বরাবর অনুমোদনের জন্য প্রেরণ করবেন। তবে উপজেলা/মেট্রোপলিটন এলাকার উপদেষ্টা কমিটিতে যে শিক্ষা প্রতিষ্ঠানের আবেদনসমূহ বিবেচনা করা হবে কেবল সেই শিক্ষা প্রতিষ্ঠানের প্রধান কমিটির সদস্য হিসাবে সভায় উপস্থিত থাকবেন। উপজেলা/মেট্রো উপদেষ্টা কমিটি নতুন করে কোন আবেদন অন্তর্ভুক্ত করতে পারবেন।

৮.৩.১। উপজেলা উপদেষ্টা কমিটি;

ক্র. নং	কর্মকর্তা/ শিক্ষক	কমিটিতে পদবি
০১	উপজেলা নির্বাহী অফিসার	সভাপতি
০২	সংশ্লিষ্ট শিক্ষা প্রতিষ্ঠান প্রধান	সদস্য
০৩	উপজেলা পরিসংখ্যান অফিসার	সদস্য
০৪	উপজেলা/থানা শিক্ষা অফিসার	সদস্য
০৫	উপজেলা একাডেমিক সুপারভাইজার	সদস্য
০৬	উপজেলা মাধ্যমিক শিক্ষা অফিসার	সদস্য-সচিব

৮.৩.২ মেট্রোপলিটন (ঢাকা, রাজশাহী, চট্টগ্রাম ও খুলনা) এলাকার জন্য উপদেষ্টা কমিটি;

ক্র/নং	কর্মকর্তা / শিক্ষক/জনপ্রতিনিধি	কমিটিতে পদবি
০১	সংশ্লিষ্ট জেলা শিক্ষা অফিসার	সভাপতি
০২	সহকারি জেলা প্রাথমিক শিক্ষা অফিসার	সদস্য
০৩	থানা একাডেমিক সুপারভাইজার	সদস্য
০৪	সংশ্লিষ্ট শিক্ষা প্রতিষ্ঠান প্রধান	সদস্য
০৫	থানা মাধ্যমিক শিক্ষা অফিসার	সদস্য-সচিব

৯। টিউশন ফি মওকুফ:

সরকারি ও বেসরকারি শিক্ষা প্রতিষ্ঠানে অধ্যয়নরত উপবৃত্তি প্রাপ্ত শিক্ষার্থীদের টিউশন ফি মওকুফ থাকবে। বেসরকারি শিক্ষা প্রতিষ্ঠানে উপবৃত্তি প্রাপ্ত শিক্ষার্থীদের অনুকূলে স্কিম ডকুমেন্ট মোতাবেক নির্ধারিত হারে টিউশন ফি ভর্তুকি প্রদান করা হবে। উপবৃত্তি প্রাপ্ত শিক্ষার্থীদের নিকট হতে কোনক্রমে টিউশন ফি আদায় করা যাবে না।

১০। একাউন্ট খোলা:

- শিক্ষার্থীর জন্মসনদ নম্বর ১৭ ডিজিটের হতে হবে।
- HSP MIS এ ৬ষ্ঠ, ৯ম এবং ১১শ শ্রেণিতে শিক্ষার্থীর তথ্য এন্ট্রির সময় পূর্ববর্তী পরীক্ষার (পিএসসি, জেএসসি/জেডিসি, এসএসসি/দাখিল) নাম, রেজিস্ট্রেশন নম্বর, ফলাফল, উত্তীর্ণ হওয়ার বছর উল্লেখ করতে হবে।
- পিতা/মাতা/ অভিভাবকের জাতীয় পরিচয়পত্র নম্বর এন্ট্রি/আপডেট করতে হবে। জাতীয় পরিচয়পত্র নম্বর ১০ অথবা ১৭ ডিজিট হতে হবে। ১৩ ডিজিটের জাতীয় পরিচয়পত্র থাকলে প্রথমে ৪ ডিজিটের জন্ম সাল যুক্ত করে ১৭ ডিজিট করতে হবে।
- শিক্ষার্থীর উপবৃত্তি অর্থ প্রাপ্তির ক্ষেত্রে অনলাইন ব্যাংক/এজেন্ট/মোবাইল ব্যাংকিং একাউন্ট ব্যবহার করা যাবে। এছাড়া শিক্ষার্থীদের স্কুল ব্যাংকিং একাউন্টও ব্যবহার করা যাবে।
- অনলাইন/এজেন্ট ব্যাংক এর ক্ষেত্রে একাউন্ট নম্বর ১৩-১৭ ডিজিট এবং মোবাইল ব্যাংকিং এর ক্ষেত্রে একাউন্ট নম্বর ১১-১২ ডিজিট হতে হবে।
- অনলাইন/এজেন্ট ব্যাংক/মোবাইল ব্যাংকিং একাউন্ট অবশ্যই শিক্ষার্থী/পিতা/মাতা/অভিভাবকের জাতীয় পরিচয়পত্র ব্যবহার করে খুলতে হবে। কেবল মাত্র পিতা/মাতার অনুপস্থিতিতে অভিভাবকের নামে একাউন্ট খোলা যাবে।
- “হিসাবধারীর নাম” এর স্থানে যার নামে অনলাইন ব্যাংকিং/মোবাইল ব্যাংকিং একাউন্ট খোলা হয়েছে তার নাম লিখতে হবে।
- HSP MIS এ এন্ট্রির সময় পিতাকে অভিভাবক নির্বাচিত করলে পিতার জাতীয় পরিচয়পত্র (NID) ব্যবহার করে একাউন্ট খুলতে হবে এবং হিসাবধারীর নাম হিসাবে পিতার নাম এন্ট্রি করতে হবে। অভিভাবক হিসাবে মাতাকে নির্বাচিত করলে মাতার জাতীয় পরিচয়পত্র (NID) ব্যবহার করে একাউন্ট খুলতে হবে হিসাবধারীর নাম হিসাবে মাতার নাম এন্ট্রি করতে হবে। পিতা/মাতার অনুপস্থিতিতে অন্য কোন বৈধ ব্যক্তিকে (ভাই/বোন/দাদা/দাদী/নানা/নানী/ইত্যাদি) অভিভাবক হিসাবে নির্বাচিত করলে তাঁর জাতীয় পরিচয়পত্র ব্যবহার করে একাউন্ট খুলতে হবে এবং হিসাবধারীর নাম হিসাবে তাঁর নাম এন্ট্রি করতে হবে। স্কুল ব্যাংকিং একাউন্টের ক্ষেত্রে যার নামে একাউন্ট খোলা হয়েছে হিসাবধারীর নাম হিসাবে তার নাম এন্ট্রি করতে হবে।


১১। ইউজার আইডি ও পাসওয়ার্ড:

সমন্বিত উপবৃত্তি কর্মসূচির আওতাভুক্ত শিক্ষা প্রতিষ্ঠান সমূহের ইউজার আইডি ও পাসওয়ার্ড ইতিপূর্বে প্রেরণ করা হয়েছে। যদি কোন শিক্ষা প্রতিষ্ঠান নতুন অন্তর্ভুক্ত হয় বা ইউজার আইডি ও পাসওয়ার্ড ব্যবহার করে লগইন করতে না পারে তবে উপজেলা/থানা মাধ্যমিক শিক্ষা কর্মকর্তার মাধ্যমে ই-মেইলে পত্র প্রেরণ পূর্বক ইউজার আইডি ও পাসওয়ার্ড সংগ্রহ করতে হবে।

১২। শিক্ষার্থী নির্বাচন ও এন্ট্রির সময়সীমা:

শিক্ষা প্রতিষ্ঠান পর্যায়ে শিক্ষার্থীদের আবেদন ফরম বিতরণ ও গ্রহণ, কমিটির মাধ্যমে যাচাই-বাছাই এবং যাচাইকৃত শিক্ষার্থীদের একাউন্ট খোলাসহ যাবতীয় কাজ আগামী ০২/০৪/২০২১ তারিখের মধ্যে সম্পন্ন করতে হবে। উপবৃত্তির জন্য শিক্ষার্থীদের আবেদন ফরম চূড়ান্ত করে শিক্ষা প্রতিষ্ঠানে সংরক্ষণ পূর্বক আগামী ২৩/০৪/২০২১ তারিখের মধ্যে HSP MIS এন্ট্রি সম্পন্ন করতে হবে। ২৩/০৪/২০২১ তারিখ রাত ১২.০০ টায় HSP MIS এ তথ্য এন্ট্রি এবং প্রেরণ স্বয়ংক্রিয়ভাবে বন্ধ হয়ে যাবে। শিক্ষা বোর্ড কর্তৃক অনুমোদিত EIIN ধারী সকল শিক্ষা প্রতিষ্ঠান যাতে সঠিক ভাবে তথ্য এন্ট্রি করে সে বিষয়ে উপজেলা/থানা মাধ্যমিক শিক্ষা কর্মকর্তা প্রতিনিয়ত মনিটরিং করবেন। উপজেলা/থানা পর্যায়ে গঠিত কমিটির মাধ্যমে শিক্ষা প্রতিষ্ঠান কর্তৃক HSP MIS এ এন্ট্রিকৃত তথ্যাদি যাচাই বাছাই করে আগামী ২৭/০৪/২০২১ তারিখের মধ্যে উপজেলা/থানা মাধ্যমিক শিক্ষা কর্মকর্তা HSP/PMEAT তে প্রেরণ করবেন।

১৩। বর্ণিত বিষয়ে যথাযথ ব্যবস্থা গ্রহণ করা জন্য অনুরোধ করা হলো। উপবৃত্তি ও ইউজার আইডি পাসওয়ার্ড সংক্রান্ত যে কোন তথ্য বা যোগাযোগের জন্য hsp.sstipend@gmail.com মেইলে করার জন্য অনুরোধ করা হলো।


২৪/০৬/২০
(শরীফ মোর্তজা মামুন)
স্কিম পরিচালক
সমন্বিত উপবৃত্তি কর্মসূচি


উপজেলা/থানা মাধ্যমিক শিক্ষা কর্মকর্তা
সকল উপজেলা।

স্মারক নং-এইচএসপি/মাঠ পর্যায়ে যোগাযোগ/০৪/২০১৯/৬৮১০(২৫)/৫০৭

তারিখ: ২৪.০৩.২০২১ খ্রি.

অনুলিপি: সদয় অবগতির জন্য ও প্রয়োজনীয় ব্যবস্থা গ্রহণের জন্য (জ্যেষ্ঠতার ভিত্তিতে নয়):

- ০১। সচিব, মাধ্যমিক ও উচ্চশিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।
- ০২। ব্যবস্থাপনা পরিচালক, প্রধানমন্ত্রীর শিক্ষা সহায়তা ট্রাস্ট, ধানমন্ডি, ঢাকা।
- ০৩। মহাপরিচালক, মাধ্যমিক ও উচ্চ শিক্ষা অধিদপ্তর, বাংলাদেশ, ঢাকা।
- ০৪। মহাপরিচালক, মাদ্রাসা শিক্ষা অধিদপ্তর, বাংলাদেশ, ঢাকা।
- ০৫। প্রোগ্রাম কো-অর্ডিনেটর, সেকেন্ডারি এডুকেশন ডেভেলপমেন্ট প্রোগ্রাম, শিক্ষা ভবন, ঢাকা।
- ০৬। পরিচালক, প্রধানমন্ত্রীর শিক্ষা সহায়তা ট্রাস্ট, ধানমন্ডি, ঢাকা।
- ০৭। নির্বাহী পরিচালক, SPFMSP প্রকল্প, সেগুনবাগিচা, ঢাকা।
- ০৮। সকল কর্মকর্তা, সমন্বিত উপবৃত্তি কর্মসূচি, প্রধানমন্ত্রীর শিক্ষা সহায়তা ট্রাস্ট, ঢাকা।
- ০৯। উপজেলা নির্বাহী কর্মকর্তা, সকল উপজেলা।
- ১০। জেলা শিক্ষা অফিসার, সকল জেলা।
- ১১। শিক্ষা প্রতিষ্ঠান প্রধান (সকল শিক্ষা প্রতিষ্ঠান)।
- ১২। সিনিয়র সিস্টেম এনালিস্ট, মাধ্যমিক ও উচ্চ শিক্ষা অধিদপ্তর, ঢাকা
(মাউশি এর ওয়েবসাইটে প্রকাশের অনুরোধসহ)।
- ১৩। সিস্টেম এনালিস্ট, মাদ্রাসা শিক্ষা অধিদপ্তর, ঢাকা
(ওয়েবসাইটে প্রকাশের অনুরোধসহ)।
- ১৪। সহকারী প্রোগ্রামার, প্রধানমন্ত্রীর শিক্ষা সহায়তা ট্রাস্ট, ধানমন্ডি, ঢাকা
(পিএমইএটি -এর ওয়েবসাইটে প্রকাশের অনুরোধসহ)।
- ১৫। সংরক্ষণ নথি।


২৪/০৬/২০২০
(শ.ম. সাইফুল আলম)
উপপরিচালক
সমন্বিত উপবৃত্তি কর্মসূচি